

**REALIZACIJA ZAKLJUČAKA
GRADSKOG VIJEĆA ZENICA ZA PERIOD JANUAR – DECEMBAR 2022. GODINE**

• **OBLAST DRUŠTVENO-EKONOMSKIH ODNOSA**

1. a) **Nacrt Budžeta Grada Zenica za 2022. godinu**
b) **Nacrt Odluke o izvršavanju Budžeta Grada Zenica za 2022. godinu**
(17. sjednica Vijeća održana 4. januara 2022. godine)

ZAKLJUČAK:

I

Utvrđuju se Nacrt Budžeta Grada Zenica za 2022. godinu i Nacrt Odluke o izvršavanju Budžeta Grada Zenica za 2022. godinu i upućuju na javnu raspravu u trajanju od 10 dana od dana održavanja sjednice Gradskog vijeća.

II

Nacrt Budžeta Grada Zenica za 2022. godinu s obrazloženjem i Nacrt Odluke o izvršavanju Budžeta Grada Zenica za 2022. godinu, objavljuju se na web stranici Grada Zenica (www.zenica.ba).

III

Tekst Nacrta Budžeta Grada Zenica za 2022. godinu i Nacrta Odluke o izvršavanju Budžeta Grada Zenica za 2022. godinu upućuju se na javnu raspravu učesnicima javne rasprave - gradskim službama, političkim subjektima, javnim preduzećima, javnim ustanovama, mjesnim zajednicama, udruženju privrednika- poslodavaca i dr.

Sugeriše se da učesnici u javnoj raspravi vode računa o aktuelnoj ekonomskoj situaciji, te ukoliko predlože povećanje sredstava u određenim segmentima Nacrta Budžeta, da preciziraju na kojim pozicijama će se izvršiti smanjenje, odnosno da predlože objektivne izvore iz kojih bi se izfinansiralo predloženo povećanje.

Zadužuje se Stručna služba Gradskog vijeća da tekst Nacrta Budžeta i Nacrta Odluke iz tačke I ovog zaključka objavi na web stranici Grada Zenica, te dostavi putem e-maila svim subjektima - učesnicima u javnoj raspravi.

IV

Primjedbe i prijedlozi u pisanoj formi na Nacrt Budžeta Grada Zenica za 2022. godinu i Nacrt Odluke o izvršavanju Budžeta Grada Zenica za 2022. godinu mogu se dostaviti na protokol Grada Zenica zaključno sa 14.01.2022. godine.

V

Zadužuje se obrađivač - Služba za finansije da, kod izrade Prijedloga Budžeta Grada Zenica za 2022. godinu, uzme u obzir sve blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

Izvod iz stenograma čini sastavni dio ovog zaključka i isti će se dostaviti obrađivaču.

VI

Ovaj zaključak stupa na snagu danom donošenja, a bit će dostupan svim učesnicima javne rasprave uz tekst Nacrta Budžeta Grada Zenica za 2022. godinu, objavljivanjem na WEB stranici Grada Zenica.

REALIZACIJA: Realizovano. Prijedlog Budžeta Grada Zenica za 2022. godinu i Prijedlog Odluke o izvršavanju Budžeta Grada Zenica za 2022. godinu razmatrani su i usvojeni na 18. sjednici Gradskog vijeća održanoj 24. januara 2022. godine.

2. Nacrt Programa rada Gradskog vijeća za period 01.01.-31.12.2022. godine (17. sjednica Vijeća održana 4. januara 2022. godine)

ZAKLJUČAK:

I

Utvrđuje se Nacrt Programa rada Gradskog vijeća Zenica za period 01.01. - 31.12.2022. godine.

II

Tekst Nacrta Programa rada Gradskog vijeća Zenica za period 01.01. - 31.12.2022. godine upućuje se na javnu raspravu u trajanju od 10 dana od dana održavanja sjednice Gradskog vijeća.

III

Tekst Nacrta Programa rada Gradskog vijeća Zenica za period 01.01. - 31.12.2022. godine upućuje se na javnu raspravu učesnicima javne rasprave - gradskim službama, političkim subjektima koji imaju vijećnike u Gradskom vijeću Zenica, nezavisnom vijećniku, samostalnom vijećniku, javnim preduzećima, javnim ustanovama, mjesnim zajednicama, Zeničkoj razvojnoj agenciji "ZEDA" d.o.o. Zenica, Udruženju privrednika – poslodavaca, Preduzeću za uklanjanje otpada i reciklažu "ALBA Zenica" d.o.o. Zenica, PD "Regionalna deponija Mošćanica" d.o.o. Zenica, kao i dr. zainteresiranim subjektima.

Zadužuje se Stručna služba Gradskog vijeća da tekst Nacrta Programa rada iz tačke I ovog zaključka objavi na web stranici Grada Zenica, te dostavi putem e-maila svim subjektima - učesnicima u javnoj raspravi.

IV

Pisane primjedbe, prijedlozi i sugestije dostavljaju se Stručnoj službi Gradskog vijeća **najkasnije do 14.01.2022. godine**, u pisanoj formi na Protokol Grada Zenica ili elektronskoj formi na e-mail: gradsko.vijece@zenica.ba.

V

Zadužuje se obrađivač – Stručna služba Gradskog vijeća da, kod izrade Prijedloga Programa rada Gradskog vijeća Zenica za period 01.01.-31.12.2022. godine, uzme u obzir sve

blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

VI

Ovaj zaključak stupa na snagu danom donošenja, a dostavit će se svim učesnicima javne rasprave uz tekst Nacrta Programa rada Gradskog vijeća Zenica za period 01.01.-31.12.2022. godine i bit će objavljen na web stranici Grada Zenica.

REALIZACIJA: *Realizovano. Prijedlog Programa rada Gradskog vijeća Zenica za period 1. januar do 31. decembar 2022. godine je usvojen na 20. sjednici Gradskog vijeća, održanoj 22.02.2022. godine.*

3. Nacrt Gender akcionog plana Grada Zenica za period od 2022. do 2025. godine *(18. sjednica Vijeća, održana 18.01.2022. godine)*

ZAKLJUČAK:

I

Utvrđuje se Nacrt Gender akcionog plana Grada Zenica za period od 2022. do 2025. godine.

II

Tekst Nacrta Gender akcionog plana Grada Zenica za period od 2022. do 2025. godine upućuje se na javnu raspravu u trajanju od 30 dana od dana održavanja sjednice Gradskog vijeća.

III

Tekst Nacrta Gender akcionog plana Grada Zenica za period od 2022. do 2025. godine upućuje se na javnu raspravu učesnicima javne rasprave: gradskim službama, političkim subjektima koji imaju vijećnike u Gradskom vijeću Zenica, nezavisnom vijećniku, samostalnom vijećniku, javnim preduzećima, javnim ustanovama, Zeničkoj razvojnoj agenciji "ZEDA" d.o.o. Zenica, mjesnim zajednicama, Udruženju privrednika - poslodavaca, udruženjima: "Forum građana Zenice", "Medica" Zenica, Centar ženskih prava Zenica i drugim.

Zadužuje se Stručna služba Gradskog vijeća da tekst Nacrta Gender akcionog plana Grada Zenica iz tačke I ovog zaključka objavi na web stranici Grada Zenica, te dostavi putem e-maila svim subjektima - učesnicima u javnoj raspravi.

IV

*Pisane primjedbe, prijedlozi i sugestije dostavljaju se Komisiji za ravnopravnost spolova putem Stručne službe Gradskog vijeća **najkasnije do 23.02.2022. godine**, u pisanoj formi na Protokol Grada Zenica ili elektronskoj formi na e-mail: gradsko.vijece@zenica.ba.*

V

Komisija za ravnopravnost spolova zadužuje se da, kod izrade Prijedloga Gender akcionog plana Grada Zenica za period od 2022. do 2025. godine, uzme u obzir sve

blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

VI

Ovaj zaključak stupa na snagu danom donošenja, a dostavit će se svim učesnicima javne rasprave uz tekst Nacrta Gender akcionog plana Grada Zenica za period od 2022. do 2025. godine i bit će objavljen na web stranici Grada Zenica.

REALIZACIJA: *Realizovano. Prijedlog Gender akcionog plana Grada Zenica za period od 2022. do 2025. godine usvojen je na 23. sjednici, održanoj 26. maja 2022. godine.*

• PROSTORNO UREĐENJE I KOMUNALNA DJELATNOST

Izveštaj o poslovanju JP "Gradsko groblje" d.o.o. Zenica za 2021. godinu (24. sjednica, održana 23. juna 2022. godine)

1. ZAKLJUČAK:

I

Traži se oslobađanje šehidskih porodica, bez obzira na vjeroispovijest, obaveze plaćanja godišnje takse za održavanje groblja.

II

Ovaj zaključak stupa na snagu danom donošenja.

REALIZACIJA: *Poduzete su sve aktivnosti za realizaciju navedenog zaključka, te su od strane JP "Gradsko groblje" d.o.o. Zenica obaviještene službe za naplatu taksi za održavanje groblja da se navedeni zaključak sprovede u potpunosti.*

2. ZAKLJUČAK:

I

Obavezuje se resorna služba da u saradnji sa Službom za imovinsko-pravne, geodetske poslove i katastar nekretnina, Službom za urbanizam i JP "Gradsko groblje" d.o.o. Zenica analizira potencijalne lokacije adekvatne za proširenje gradskog groblja, te da za adekvatnu lokaciju, koja će biti planirana i u Urbanističkom planu grada Zenica, obezbijedi elaborat eksproprijacije lokacije na kojoj će se, nakon što se ispune svi kapaciteti, vršiti ukop.

II

Ovaj zaključak stupa na snagu danom donošenja.

REALIZACIJA: *Shodno članu 18. Odluke o grobljima opštine Zenica od 11. novembra 1991. godine, JP "Gradsko groblje" d.o.o. Zenica ne provodi analize za proširenje groblja niti druge*

slične radnje po ovom pitanju, međutim, s ciljem realizacije navedenog zaključka, u toku su aktivnosti Sektora za ekologiju i komunalne poslove na rješavanju problematike, a vezano za izvršavanje radnji potrebnih za proširenje kapaciteta groblja.

Prijedlog Odluke o utvrđivanju javnog interesa za izgradnju složene građevine za gasifikaciju grada Zenica

(24. sjednica, održana 23. juna 2022. godine)

ZAKLJUČAK:

I

Zadužuje se nadležna služba da se u izradi Rebalansa Budžeta izdvoje sredstva za poticaje vlasnicima stambenih objekata koji ugrađuju toplotne pumpe.

II

Ovaj zaključak stupa na snagu danom donošenja.

REALIZACIJA: Rebalansom Budžeta Grada Zenica su planirana sredstva za sufinansiranje nabavke i ugradnje toplotnih pumpi u individualnim stambenim objektima na području Grada Zenica, te su navedena sredstva uvrštena u sklopu namjenskih sredstava Fonda za zaštitu okoliša. S obzirom na to da je bilo potrebno izvršiti provođenje pripremnih aktivnosti koje su vezane za ispitivanje tržišta, konsultacije vezane za sadržaj, način, te samo provođenje dijela Javnog poziva, koji se konkretno odnosi na ovu stavku, provođenje Javnog poziva se planira za proljeće 2023. godine.

Izvještaj o izvršenju Budžeta Grada Zenica za period 01.01.-30.06.2022. godine

(26. sjednica Gradskog vijeća Zenica, održana 3.11.2022. godine)

ZAKLJUČAK:

I

Traži se od Sektora za ekologiju i komunalne poslove da Gradskom vijeću dostavi informaciju o utrošku sredstava za Sklonište za životinje u periodu od 1.1.2017. - 30.6.2022. godine, u roku od 60 dana.

II

Ovaj zaključak stupa na snagu danom donošenja.

REALIZACIJA: Sektor za ekologiju i komunalne poslove je izradio Informaciju o utrošku sredstava za sklonište za napuštene životinje u periodu od 01.01.2017.-30.06.2022. godine, te je istu dana 28.12.2022. godine dostavio Stručnoj službi Gradskog vijeća kako bi navedenu informaciju proslijedili Gradskom vijeću Grada Zenica. Informacija o utrošku sredstava za sklonište za napuštene životinje u periodu od 01.01.2017.-30.06.2022. godine razmatrana je na 29. sjednici Gradskog vijeća održanoj 16.01.2023. godine.

Izvještaj o realizaciji ulaganja u oblasti vodoprivrede za 2021. godinu

ZAKLJUČAK:

I

Gradsko vijeće zadužuje Službu da u roku od 60 dana dostavi listu projekata sa informacijom o parcelama na kojima su sporni imovinsko-pravni odnosi.

II

Zaključak stupa na snagu danom donošenja.

REALIZACIJA: Uvidom u sadržaj Izvještaja o realizaciji ulaganja u oblasti vodoprivrede za 2021. godinu utvrđeno je da se neriješeni imovinsko-pravni odnosi u istom pominju samo u okviru jednog projekta, a to je Izgradnja kanalizacije u naselju Mošćanica, zbog čega je ugovor sa izvođačem radova sporazumno raskinut. Imajući u vidu da se radilo samo o jednom projektu i da je isti naznačen u samom izvještaju, ocijenjeno je da nema osnova za sačinjavanje liste projekata sa informacijom o parcelama na kojima su sporni imovinsko-pravni odnosi.

Gradsko vijeće Zenica, na 27. sjednici održanoj dana 15.12.2022. godine, razmatrajući Inicijativu za izmjene i dopune Odluke o građevinskom zemljištu Grada Zenica, donijelo je sljedeći

ZAKLJUČAK

I

(1) Usvaja se inicijativa za izmjene i dopune Odluke o građevinskom zemljištu Grada Zenica.

(2) Inicijativa iz prethodnog stava je sastavni dio ovog zaključka.

II

Inicijativa iz tačke I dostavlja se resornim službama na nadležno postupanje.

III

Ovaj zaključak stupa na snagu danom donošenja.

REALIZACIJA: Povodom predmetnog zaključka, Služba za urbanizam dostavila je Izjašnjenje broj: 03-45-25777/22 od 20.12.2022. godine kako slijedi: "Članom 12. Zakona o građevinskom zemljištu ("Službene novine Federacije BiH", broj: 25/03, 16/04 i 67/05) propisano je da gradsko građevinsko zemljište određuje općinsko, odnosno gradsko vijeće i da se isto, shodno članu 65. zakona, dijeli najviše na šest zona prema pogodnostima koje može pružiti korisnicima u izgradnji i korištenju. Odlukom o građevinskom zemljištu općine Zenica ("Službene novine općine Zenica", broj: 4/07, 2/08-prečišćen tekst,...1/14 i "Službene novine Grada Zenica", broj: 2/15, 2/16, 3/17, 2/18 i 1/20) detaljnije su regulisana pitanja vezana za građevinsko zemljište, u smislu određivanja granica gradskog i ostalog građevinskog zemljišta, utvrđivanja zona, načina dodjele zemljišta, određivanja naknada i slično. Imajući u vidu činjenicu da je Zakon o građevinskom zemljištu neophodno uskladiti sa Zakonom o stvarnim pravima ("Službene novine Federacije BiH", broj: 66/13 i 100/13), smatramo da se nisu stekli uslovi za predloženu izmjenu Odluke o građevinskom zemljištu Grada Zenica. Također, stav ove službe je da pojedinačne izmjene zona u okviru navedene odluke nisu prihvatljive bez sagledavanja svih parametara, posebno što se podjela na zone utvrđuje u skladu s namjenom prostora (stanovanje, poslovna, privredna zona, rekreativno zelenilo, sport i rekreacija), te pogodnostima kojim se dobiva na kvalitetu života, a što se može utvrditi tek kroz izradu razvojnog plana – Urbanistički plan grada Zenica, čija je izrada u toku."

• DRUŠTVENE DJELATNOSTI

Odgovor Federalnog ministarstva finansija - Porezna uprava FBiH broj: 13/08-02-3-233/22 od 23.02.2022. godine

(21. sjednica, održana 17.03.2022. godine)

ZAKLJUČAK:

I

Zadužuje se Gradska uprava da, u skladu sa zakonskim mogućnostima, pronađe rješenje u cilju realizacije Sporazuma o pomoći NK „Čelik“.

II

Ovaj Zaključak stupa na snagu danom donošenja.

REALIZACIJA: Služba izmiruje rate po Sporazumu o plaćanju dužnih javnih prihoda u ratama za NK „Čelik“.

Izvještaj o radu JU Bosansko narodno pozorište Zenica za 2021. godinu (25. sjednica održana 06. jula 2022. godine)
ZAKLJUČAK:

I

Zadužuje se resorna služba da u Budžetu za 2023. godinu planira sredstva za sanaciju krova JU Bosansko narodno pozorište Zenica.

II

Zaključak stupa na snagu danom donošenja.

REALIZACIJA: Služba je planirala sredstva za sanaciju krova JU Bosansko narodno pozorište Zenica za 2023. godinu.

Prijedlog Odluke o prodaji stanova u vlasništvu Grada Zenica (20. sjednica Gradskog vijeća, održana 22.02.2022. godine)
ZAKLJUČAK:

I

Prioritet pri kupovini stambenih jedinica imaju demobilisani borci koji nemaju riješeno stambeno pitanje, ratni vojni invalidi koji nemaju riješeno stambeno pitanje, djeca poginulih boraca koja nemaju riješeno stambeno pitanje i mlađi bračni parovi koji nemaju riješeno stambeno pitanje, pod istim uslovima.

II

Ovaj zaključak stupa na snagu danom donošenja.

REALIZACIJA: Zaključak je realizovan. Kod prodaje stanova u vlasništvu Grada Zenica u Javnom konkursu za prodaju stanova putem licitacije, broj: 02-45-4076/22 od 14.11.2022. godine, naveden je prioritet.

• **JAVNA BEZBJEDNOST**

Prijedlog Odluke o osnivanju profesionalne vatrogasne jedinice (24. sjednica Vijeća, održana 23.06.2022. godine)
ZAKLJUČAK:

I

Gradsko vijeće traži da Služba civilne zaštite svim vijećnicima, do naredne sjednice Gradskog vijeća, dostavi Plan zaštite od požara Grada Zenica s procjenom ugroženosti od prirodnih i drugih nesreća.

II

Ovaj zaključak stupa na snagu danom donošenja.

REALIZACIJA: *Zaključak je realizovan. Služba civilne zaštite je Stručnoj službi Gradskog vijeća dostavila akte tražene predmetnim zaključkom i uvid u iste zainteresovani vijećnici mogu izvršiti u Stručnoj službi Gradskog vijeća.*